

C4 Foroskê logorja

Le anglune „Zigeunerlager“ kata o „Trito Rajx“ či vazde le Hitleroskê partijkê raj vaj o SS, nego vazde opre le njamcoskê foroskê lokalni raj. Le raj kata foro Köln trade ando bêš 1935 panž šêla Romen taj Sintong zoras ando lengê vonungur, ando lengê khêra taj ando lengê kampingongê thana taj trade len ande 'k „Zigeunerlager“ pe forosko agor ando Köln-Blickendorf. Le forur Hamburg, Düsseldorf, Berlin, Frankfurt, Essen taj Hannover vazde similarni logorja.



1910

1951

1937

💡 Žanglen tumen

...kê le Sintong taj Romen, save trajinas ando Berlino, trade ando bêš 1936, pe vrjama kataj olimpijada, zoras ando logoro Marzahn, kaj sas po severo-istoko le forosko? Kote musaj sas te trajin ande vonvagura? O logoro tromanas numa te mêken, te sas len kak permanentno bučako than avrjal kata o logoro.

✍ Tumari buči

Informirin tumen, kaj arakhadon ande Evropa kasave slučajur, kê le raj ankalaven manušen zoras ando peskê khêra taj thon len pe aver than vaj manuša aven deportirime. Kon del e decizija kaj troman manuša te trajin taj kaj na taj anda soste troman vaj či troman? Save organizacije protestirin kontra sja kodja?

📷 Paj fotografija

Jek njamcicko Sintongi familija ando logoro Köln-Blickendorf ka 12. decembro 1937. Deutsches Bundesarchiv Koblenz/Deutschland.



<https://www.romasintigenocide.eu/kalderasch/c>